

Date: 20 October 1565

REF: GD112/39/5/4

Place: Garvie (Glendaruel, Cowal)

From: Archibald Campbell, 5th Earl of Argyll

To: Colin Campbell of Glenorchy

Address: To our traist cousing Colin Campbell of Glenvrchay

Traist cousing efter hartlie commendatioun. We resavit zour writing yis Saturday efternvne and wnderstandis quhow sum serwantis and men of ouris hess tane vp ane gret nummer of ky in Glenammond and to ye partis ewest yairto quhairin trewlie thay haid nocht our command for we knew nocht quhat part thay war of purpos to invaid quhowbeid ydill men may be doand quhair thay may maist esele get yair pray. Merour as concerning ye men yat ze desyre ws to send to Glenfallache to zow vpoun Sunday ze may know be our resait of zour writing quhilk is yis Saturday yat it nocht possible to ws to haif ye men in reddines in sa schoirt tyme. Nochtwithstanding we pray zow weray effecteouslie to keip tryst wyer in Glenfalloche or in ye hed of Glenvrchay conforme to our last writing to zow for dressing of Makgregoris besines we ... quhat ze sall persave at meitting to be gretumlie for zour honour and weill. And in ye mein tyme we sall haif in reddines with ... sa mony men as we may guidlie at ye said tryst and gif ze haif ony thing ado thay salbe send with zow. And gif ye thocht it necessar we think best yat zour guidis wer send up to ye helandis gif ze suppose ony suddane invatioun of ony ewill w... Ye rest referris to ye berar. And God be with zow. Frome ye Garve ye xx day of October 1565.

Zouris

Archibald Eryll